

# **Набий алайҳиссаломнинг шижаатлари**

20:03 / 28.04.2017 2955

Расууллоҳ соллаллоҳу алайҳи васаллам бошқа барча яхши инсоний сифатлардаги каби шижаатда ҳам ҳаммага ўрнак эдилар. Бу ҳақийқатни англаб етиш учун иккитагина ривоят билан танишиб чиқишнинг ўз етарли.

Анас розияллоҳу анҳудан ривоят қилинади:

«Расууллоҳ соллаллоҳу алайҳи васаллам одамларнинг энг гўзали, одамларнинг энг сахийси, одамларнинг энг шижаатлиси эдилар. Бир кеча аҳли Мадийна қаттиқ даҳшатга тушдилар. Одамлар овоз чиқсан томон юра бошладилар. Набий соллаллоҳу алайҳи васаллам уларнинг олдидан чиқдилар. Ўша томондан қайтиб келаётган эканлар. Ул зот улардан олдин овоз чиқсан томонга борган эканлар. Ул зот Абу Толҳанинг эгарсиз отини миниб, бўйниларига қилич осиб олган эканлар.

«Қўрқманглар! Қўрқманглар!» – дедилар ул зот».

Икки Шайх ривоят қилишган.

Бошқа бир ривоятда қуидагилар айтилган:

«Ул зот уларга бир сиқим тупроқни отдилар ва «шоҳатил вужух!» – «юзлар қабих бўлди» – дедилар. Улардан бирорта одам қолмай ҳаммасининг икки кўзи тўлди. Улар ортларига қараб қочдилар ва енгилдилар. Ўлжалари мусулмонлар орасида тақсим қилинди».

Бухорийнинг лафзи қуидагича:

«Ҳунайн куни бўлганда Ҳавазон тўқнашди. Расууллоҳ соллаллоҳу алайҳи васаллам билан ўн минг киши ва тулақо – қўйиб юборилганлар бор эди. Улар ортга қараб қочдилар.

«Эй, анзорийлар жамоаси!» – дедилар.

«Лаббайка, Ё Расууллоҳ ва саъдайка! Лаббайка! Биз сизнинг қаршингиздамиз!» – дейиши.

Бас, Расууллоҳ соллаллоҳу алайҳи васаллам (уводан) тушдилар ва:

«Мен Аллоҳнинг бандаси ва Расулиман!» – дедилар.

Бас, мушриклар енгилдилар. Ул зот (ўлжадан) тулақоларга ва муҳожирларга бердилар. Ансорларга ҳеч нарса бермадилар. Улар бу ҳақида гап-сўз қилдилар. Шунда Расууллоҳ соллаллоҳу алайҳи васаллам уларни чақириб, қуббанинг ичига киритдилар ва:

«Одамлар қўй ва туюни олиб қайтганларида сизлар Расууллоҳ соллаллоҳу алайҳи васалламни олиб қайтишга рози бўлмайсизларми?! Агар одамлар водийдан юрсалар-у, анзорийлар дарадан юрсалар, албатта, мен анзорийларнинг дарасини ихтиёр қилган бўлар эдим», – дедилар».

Бошқа ривоятда куйидагиларни зиёда қилинган:

«Қачон жанг қизиса, Расууллоҳ соллаллоҳу алайҳи васаллам билан ҳимояланар эдик. Бизнинг ичимиизда у зотга тақлид қилган киши шижаатли эди».

Икки Шайх ривоят қилишган.

Ривоятнинг охирида келган маънога эътибор берайлик.

«Қачон жанг қизиса, Расууллоҳ соллаллоҳу алайҳи васаллам билан ҳимояланар эдик. Бизнинг ичимиизда у зотга тақлид қилган киши шижаатли эди».

Бунинг исботи Ҳунайн ғазотидир. Бу ғазотдаги шармандали мағлубиятдан қутулиб қолишга Аллоҳ таоло Расууллоҳ соллаллоҳу алайҳи васалламнинг мислсиз шижаатларини сабаб қилди. Расууллоҳ соллаллоҳу алайҳи васалламнинг шижаатлари олдида шижаатларнинг шижаати ип эша олмай қолар эди. Саҳобаларнинг энг шижаатлиси Расууллоҳ соллаллоҳу алайҳи васалламнинг шижаатларига тақлид қилган киши эди, холос.